

北宋刻南史補晉山七史未陳書卷三十二



列傳第二十二

陳書二十八

散騎常侍姚

思廉

撰

世祖九王

高宗二十九王

後主十一子

世祖十二男沈皇后生廢帝始興王伯茂嚴淑媛生鄱陽王伯山晉安王伯恭潘容華生新安王伯固劉昭華生衡陽王伯信王充華生廬陵王伯仁張脩容生江夏王伯義韓脩華生武陵王伯禮江貴妃生永陽王伯智孔貴妃生桂陽王伯謀其伯固犯逆別有傳二男早卒本書無名始興王伯茂字鬱之世祖第二子也初高祖兄始興昭烈王道談仕於梁世爲東宮直閣將軍侯景之亂領弩手二千援臺於城中中流矢卒紹泰二年追贈侍中使持節都督南兖州諸軍事南兖州刺史封義興郡公諡曰昭烈高祖受禪重贈驃騎大將軍太傅揚州牧改封始興郡王邑二千戶王生世祖及高宗高宗以梁承聖末遷于關右至是高祖遙以高宗襲封始興嗣

王以奉昭烈王祀永定三年六月高祖崩是月
世祖入纂帝位時高宗在周未還世祖以李宗
乏饗其年十月下詔曰日者皇基肇建封樹枝
戚朕親地攸在特啓大邦弟瑱嗣承門祀雖土
宇闕達薦饗莫由重以遺家不造閔凶夙違儲
貳遐隔轡車未返猥以眇身膺茲景命式循龜
鼎冰谷載懷今統人奉大宗事絕藩裸始興國
廟蒸嘗無主瞻言霜露感尋樹絕其徒封嗣王
頊為安成王封第二子伯茂為始興王以奉昭
烈王祀賜天下為父後者爵一級庶由罔極之
情永保山河之祚舊制諸王受封未加戎號若
不置佐史於是尚書八座奏曰夫增崇徽號飾
表車服所以闡章厥德下變民望第二皇子新
除始興王伯茂體尊極神女安明禎王煥觸
辰蘭芬綺歲清輝美譽日茂月外道鬱五河
聲超袞植皇情追感聖性天深以本宗闕緒纂
承藩嗣雖珪社是膺而戎章未襲豈所以光崇
睿哲寵樹皇枝臣等參議宜加寧遠將軍置佐

史詔曰可尋除使持節都督南琅邪彭城二郡諸
軍事彭城太守天嘉二年進號宣惠將軍揚州刺
史伯茂性聰敏好學謙恭下士又以太子母弟
世祖深愛重之是時征北軍人於丹徒盜發晉
郗曇墓大獲晉右將軍王羲之書及諸名賢遺
跡事覺其書竝沒縣官藏于祕府世祖以伯茂
好古多以賜之由是伯茂大工草隸甚得右軍
之法三年除鎮東將軍開府儀同三司東場
州刺史廢帝即位時伯茂在都劉師知等矯
詔出高宗也伯茂勸成之師知等誅後高宗恐
伯茂扇動朝廷光大元年乃進號中衛將軍令
入居禁中專與廢帝遊處是時四海之望咸歸
高宗伯茂深不平日夕憤怨數肆惡言高宗以
其無能不以為意及建安人蔣裕與韓子高等
謀反伯茂竝陰豫其事二年十一月皇太后令
黜廢帝為臨海王其日又下令曰伯茂輕薄爰
自弱齡辜負嚴訓彌肆凶狡常以次居介弟宜
秉國權不涯年德逾逞狂躁圖為禍亂扇動宮

史詔曰可尋除使持節都督南琅邪彭城二郡諸軍事彭城太守天嘉三年進號宣惠將軍揚州刺史伯茂性聰敏好學謙恭下士又以太子母弟世祖深愛重之是時征北軍人於丹徒盜發晉郗曇墓大獲晉右將軍王羲之書及諸名賢遺跡事覺其書竝沒縣官藏于祕府世祖以伯茂好古多以賜之由是伯茂大工草隸甚得右軍之法三年除鎮東將軍開府儀同三司東場州刺史廢帝即位時伯茂在都劉師知等矯詔出高宗也伯茂勸成之師知等誅後高宗恐伯茂扇動朝廷光大元年乃進號中衛將軍令入居禁中專與廢帝遊處是時四海之望咸歸高宗伯茂深不平日夕憤怨數肆惡言高宗以其無能不以為意及建安人蔣裕與韓子高等謀反伯茂竝陰豫其事二年十一月皇太后令黜廢帝為臨海王其日又下令曰伯茂輕薄爰自弱齡辜負嚴訓彌肆凶狡常以次居介弟宜秉國權不涯年德逾逞狂躁圖為禍亂扇動宮

則其招離險解望臺閣嗣君喪道由此亂階是
諸凶德威作謀主允宜罄改司甸刑斯劉人言
念皇支尚懷悲憫可特降為溫麻侯宜加禁止
別遣就第不意如此言增泣數時六門之外有
別館以為諸王冠婚之所名為婚第至是命伯
茂出居之於路遇盜陷于車中時年十八

鄱陽王伯山字靜之世祖第三子也偉容儀舉
止閑雅喜愠不形於色世祖深器之初高祖時
天下草創諸王受封儀注多闕及伯山受封世

祖欲重其事天嘉元年三月辰尚書八座奏
曰臣聞本枝惟允周之業以弘盤石既建皇
漢之基斯遠故能協旨五運規範百王固靈

根克隆卜世第三皇子伯山發睿德於幼年表
岐姿於非日光昭丹掖暉映青蘭而玉圭未秉

金錫靡駕豈所以敦序維翰建樹藩戚臣等參
議宜封鄱陽郡王詔曰可乃遣散騎常侍度支
尚書蕭睿持節兼太宰告于太廟又遣五兵尚
書王質持節兼太宰告于太社其年十月上臨

軒策命之曰於戲夫建樹藩屏翼贊王室欽若
前典咸必由之惟爾夙挺珪璋生知孝節令德
茂親僉譽所集啓建大邦寔惟倫序是用敬遵
民瞻錫此圭瑞往欽哉其勉樹聲業永保宗社
可不慎歟策訖敕令王公已下泣醮於三第仍
授東中郎將吳郡太守六年為綠江都督平北
將軍南徐州刺史天監元年進號並北將軍高
宗輔政不欲令江山越邊光武元帝從為鎮戶
將軍東揚州刺史太建元年帝為六衛將軍中
外軍六年又為征北將軍南徐州刺史尋為征
南將軍江州刺史十一年人為護軍將軍加開
府儀同三司仍給鼓吹八扶後主即位進號中
權大將軍至德四 出為持節都督東揚揚三
州諸軍事東揚州刺史加侍中餘如故禎明
元年丁所生母憂去職明年起為鎮衛大將軍
開府儀同三司給班劍十人三年正月薨時年
四十伯山性寬厚美風儀又於諸王最長後主
深敬重之每朝廷有冠婚饗醮之事恒使伯山

爲主及丁所生母憂居喪以孝聞後主營皇吏部尚書蔡徵宅因往弔之伯山號慟殆絕因起爲鎮衛將軍仍謂羣臣曰鄱陽王至性可嘉又是西第之長豫章已兼司空其亦須遷太尉未及發詔而伯山薨尋值陳亡遂無贈諡長子君範大建中拜鄱陽國世子尋爲貞威將軍晉陵太守未襲爵而隋師至是時宗室王侯在都者百餘人後王恐其爲變乃竝召入令屯朝堂使豫章王叔英摠督之而又陰爲之備及六軍敗績相率出降因從後主入關至長安隋文帝竝配于隴右及河西諸州各給田業以處之初君範與尚書僕射江摠友善至是摠贈君範書五言詩以敘他鄉離別之意辭甚酸切當世文士咸諷誦之大業二年隋煬帝以後主第六女女媚爲貴人絕愛幸因召陳氏子弟盡還京師隨才敘用由是竝爲守宰遍於天下其年君範爲溫令

晉安王伯恭字肅之世祖第六子也天嘉六年

立爲晉安王尋爲平東將軍吳郡太守置佐史
時伯恭年十餘歲便留心政事官曹治理太建
元年入爲安前將軍中護軍遷中領軍尋爲中
衛將軍揚州刺史以公事免四年起爲安左將
軍尋爲鎮右將軍特進給扶六年出爲安南將
軍南豫州刺史九年入爲安前將軍祠部尚書
十一年進號軍師將軍尚書右僕射十二年遷
僕射十三年遷左僕射十四年出爲安南將軍湘
州刺史未拜至德元年爲侍中中衛將軍光祿
大夫丁所生母憂去職禎明元年起爲中衛將軍
右光祿大夫置佐史扶竝如故三年入關隋大
業初爲成州刺史太常卿

衡陽王伯信字孚之世祖第七子也天嘉元年
衡陽獻王昌自周還朝於道夢其年世祖立伯
信爲衡陽王奉獻王祀尋爲宣惠將軍丹陽尹
置佐史太建四年爲中護軍六年爲宣毅將軍
揚州刺史尋加侍中散騎常侍十一年進號鎮
前將軍太子詹事餘竝如故禎明元年出爲鎮

南將軍西衡州刺史三年隋軍濟江與臨汝侯
方慶竝為衡州刺史王勇所害事在方慶傳

廬陵王伯仁字壽之世祖第八子也天嘉六年
立為廬陵王太建初為輕車將軍置佐史七年
遷冠軍將軍中領軍尋為平北將軍南徐州刺
史十二年為翊左將軍中領軍禎明元年加侍
中國子祭酒領太子中庶子三年入關卒于長
安長子番先封湘濱侯隋大業中為資陽令
江夏王伯義字堅之世祖第九子也天嘉六年
立為江夏王太建初為宣惠將軍東揚州刺史
置佐史尋為宣毅將軍持節散騎常侍都督合
霍二州諸軍事合州刺史十四年徵為侍中忠
武將軍金紫光祿大夫禎明三年入關遷于瓜
州於道卒長子元基先封湘潭侯隋大業中為
穀熟縣令

武陵王伯禮字用之世祖第十子也天嘉六年
立為武陵王太建初為雲旗將軍持節都督吳
興諸軍事吳興太守在郡恣行暴掠驅錄民下

逼奪財貨前後委積百姓患之大_建九年爲有
司所劾上曰王年少未達治道皆由佐史不能
匡弼所致特降軍號後若更犯必致之以法有
司不言與同罪十一年春被代徵還伯禮遂遷
延不發其年十月散騎常侍御史中丞徐君敷
奏曰臣聞車履不俟君命之通規夙夜匪懈臣
子之怕節謹案雲旗將軍恃節都督吳興諸軍
事吳興太守武陵王伯禮早擅英猷久馳令問
惟良寄重粉鄉是屬聖上愛育黔黎留情政本
共化求瘼早赴皇心遂復稽緩歸驂取移涼燠
遲回去鷁空淹載路叔慎未彰違情斯在繩愆
檢述以爲懲誡臣等參議以見事免伯禮所居
官以王還第謹以白簡奏聞詔曰可禎明三年
入關隋大業中爲散騎侍郎臨洮太守

永陽王伯智字策之世祖第十二子也少敦厚
有器局博涉經史太建中立爲永陽王尋爲侍
中加明威將軍置佐史尋加散騎常侍累遷尚
書左僕射出爲使持節都督東揚曹二州諸軍

事平東將軍領會稽內史至德二年入爲侍中
翊左將軍加特進禎明三年入關隋大業中爲
岐州司馬遷國子司業

桂陽王伯謀字深之世祖第十三子也太建中
立爲桂陽王七年爲明威將軍置佐史尋爲信
威將軍丹陽尹十年加侍中出爲持節都督吳
興諸軍事東中郎將吳興太守十一年加散騎
常侍至德元年薨子鄴嗣大業中爲番木令

高宗四十二男柳皇后生後主欽貴人生始興
王叔陵曹淑華生豫章王叔英何淑儀生長沙
王叔堅宜都王叔明魏昭容生建安王叔卿錢
貴妃生河東王叔獻劉昭儀生新蔡王叔齊袁
昭容生晉熙王叔文義陽王叔達新會王叔坦
王姬生淮南王叔彪巴山王叔雄吳姬生始興
王叔重徐姬生尋陽王叔儼淳于姬生岳陽王
叔慎王脩華生武昌王叔虞韋脩容生湘東王
叔平施姬生臨賀王叔敖沅陵王叔興曾姬生陽
山王叔宣楊姬生西陽王叔穆申婕妤生南安王叔

儉南郡王叔澄岳山王叔韶太原王叔匡素姬
生新興王叔純吳姬生巴東王叔護劉姬生臨
江王叔顯秦姬生新寧王叔隆新昌王叔英其
皇子叔歡叔忠叔引叔毅叔訓武叔必叔封
等八人並未及封叔陵犯逆別有傳三子阜李
本書無名

豫章王叔英字子烈高宗第三子也少嘗歷
愛天嘉元年初建安侯八建元改封豫章王
仍為宣惠將軍都督東揚州諸軍事東揚州
吏五年進號車北將軍南豫州刺史一二年為
鎮前將軍江州刺史後王即位進號征南將軍
尋加開府儀同三司中衛大將軍餘並如故四
年進號驃騎大將軍禎明二年給鼓吹一部
劍十人其年遷司空三年督師病江叔英知石
頭軍成事尋令人屯朝堂及六軍敗績降于隋
將韓擒虎其年入關隋大業中為涪陵太守正
子弘至德元年拜豫章國世子
長沙王叔堅字子成高宗第四子也母李吳姬

酒家隸高宗微時嘗往飲遂與通及貴召拜汝
儀叔堅少傑黠凶虐使酒尤好數術卜筮祝禁
鑄金琢玉竝究其妙天嘉中封豐城侯太建元
年立爲長沙王仍爲東中郎將吳郡太守四年
爲宣毅將軍江州刺史置佐史七年進號雲麾
將軍鄆州刺史十年遷爲中郎將廣州刺史
史尋爲江州刺史合州刺史八年復爲平西將
軍鄆州刺史十一年爲胡左將軍丹陽尹初
叔堅與始興王叔陵招聚賓客各爭權寵其
不平每朝會國簿不肯爲先後必分道而趨左
右或爭道而躓至有死者及高宗弗豫叔堅叔
陵等竝從後主侍疾叔陵陰有異志乃命巫
吏曰切藥刀甚鈍可礪之及高宗崩倉卒之際
又命其左右於外取劍左右弗悟乃取朝服所
佩木劍以進叔陵怒叔堅在側聞之疑有變伺
其所爲及翌日小斂叔陵袖劍趨進斫後
主中項後主悶絕于地皇太后與後主乳母樂
安君吳氏俱以身捍之獲免叔堅自後扼叔陵

擒之并奪其刃將叔之間後主曰即盡之爲法也後主不能應叔法誓多力須臾自奮得脫出雲龍門入于夷水召左右斷青溪橋道放車城囚以充戰士又遣人往新林追其所部兵馬仍自被甲著白布帽登城西門招募百姓是時衆軍竝緣江防守臺內空虚叔堅乃白太后使太子舍人司馬申以後主命召李庾摩訶令討之即日擒其將戴洩譚驎等送臺斬于尚書閣下持其首徇于東城叔陵恒獲不知所爲乃盡殺其妻妾率左右數百人走趨新林庾訶追之斬于丹陽郡餘黨悉擒其在以功進號驃騎將軍開府儀同三司揚州刺史尋遷司空將軍刺史如故是時後主慮創不能視事政無小大悉委叔堅決之於是勢傾朝廷叔堅因肆驕縱事多不法後主三三走踈而忌之孔範管斌施文慶之徒竝東宮舊臣日夜陰持其短至德元年乃詔令即本號用三司之儀出爲江州刺史未幾尋有詔又以爲驃騎將軍重爲司空實欲去其

權勢叔堅不自安稍怨望乃為左道厭魅以求
福助刻木為偶人衣以道士之服施機關能拜
跪晝夜於日月下醮之祝詛於上其年冬有人
上書告其事案驗竝實後主召叔堅囚于西省
將殺之其夜令近侍宣赦數之以罪叔堅對曰
臣之奉心非有他故但欲求親媚耳臣既犯天
憲罪當萬死臣死之日必見叔陵願宣明詔責
於九泉之下後主感其前功乃赦之特免所居
官以王還第尋起為侍中鎮左將軍二年又給
鼓吹油幢車三年出為征西將軍荊州刺史四
年進號中軍五年將軍開府儀同三司禘明二年
移滿還都三年入關遷于鳳州更名叔賢賢素
貴不知營生產業至是與妃沈氏酤酒以傭保為
事隋大業中為遂寧郡太守

建安王叔卿字子弼高宗第五子也性質直有
材器容貌甚偉大建四年立為建安王授東中
郎將東揚州刺史七年為雲麾將軍郢州刺史
置佐史九年進號平南將軍湘州刺史後主即

位進號安南將軍又爲侍中鎮右將軍中書令
遷中書監禎明三年入關隋大業中爲都官郎
上黨通守

宜都王叔明字子昭高宗第六子也儀容美麗
舉止和弱狀似婦人太建五年立爲宜都王尋
授宣惠將軍置佐史七年授東中郎將東揚州
刺史尋爲輕車將軍衛尉卿十三年出爲使持
節雲麾將軍南徐州刺史又爲侍中朔右將軍
至德四年進號安右將軍禎明三年入關隋大
業中爲鴻臚少卿

河東王叔獻字子恭高宗第九子也性恭謹聰
敏好學太建五年立爲河東王七年授宣毅將
軍置佐史尋爲散騎常侍軍師將軍都督南徐
州諸軍事南徐州刺史十二年薨年十三贈侍
中中撫將軍司空諡曰康簡子孝寬嗣孝寬以
至德元年襲爵河東王禎明三年入關隋大業
中爲汶城令

新蔡王叔齊字子肅高宗第十一子也風彩明

贍博涉經史善屬文大建七年立為新蔡王尋
為智武將軍置佐史出為東中郎將東揚州刺
史至德二年入為侍中將軍佐史如故禎明元
年除國子祭酒侍中將軍佐史如故三年入關
隋太業中為尚書主客郎

晉王叔文字子才高宗第十二子也性輕險
好虛譽頗涉書史大建七年立為晉熙王尋為
侍中散騎常侍宣惠將軍置佐史進號輕車將
軍揚州刺史至德元年授持節都督江州諸軍
事江州刺史二年遷信威將軍督湘衡武桂四
州諸軍事湘州刺史禎明二年秩滿徵為侍中
宣毅將軍佐史如故未還而隋軍濟江破臺城
隋漢東道行軍元帥秦王至于漢口時叔文自
湘州還朝至巴州乃率巴州刺史畢寶等請降
致書於秦王曰竊以天無二日晦明之序不差
土無二王尊卑之位乃別今車書混壹文軌大
同敢披丹款申其屈膝秦王得書因遣行軍吏
部柳莊與元帥府僚屬等往巴州迎勞叔文叔

無復執高宗崩始興王叔陵為逆誅死其年十二
叔重為始興王以奉昭烈王後至德元年為仁
威將軍揚州刺史置佐史二年加使持節都督
江州諸軍事江州刺史禎明二年入隋大業
中為太府少卿卒

尋陽王叔儼字子思高宗第十三子也性嚴重
舉止方正後主即位立為尋陽王至德元年為
侍中仁武將軍置佐史禎明三年入關尋卒

岳陽王叔暹字子琳高宗第七子也少聰敏

十歲能屬文大業十四年入為太子時年十

一至德四年拜侍中智武將軍貞觀五年是時後

主尤愛文章叔暹自衡陽王伯言新蔡王叔齊

等日夕陪侍叔暹以詔賦詩怕被寔嘗與禎明元年

出為使持節都督湘衡桂武四州諸軍事智武

將軍湘州刺史三年隋師濟江破臺城前刺史

晉熙王叔文還至巴州與巴州刺史畢雷荆州刺史陳

紀竝降隋行軍元帥清河公楊素兵下荆明別

遣其將龐暉將兵略地南至湘州城內將士皆

有固志克日請降叔慎乃置酒會文武僚吏
酣叔慎歎曰君臣之義盡於此乎長史謝基伏
而流涕湘州助防戎興侯正理在坐乃起曰主
辱臣死諸君獨非陳國之臣乎今天下有難實
是致命之秋也縱其無成猶見臣節青田之外
至死不能今日之機不可猶豫後應者斬死威
再諾乃刑姓姪五仍遣詐奉降書於龐暉
信之竟期而八極慎伏田待之暉公數日人屯
于城山首將左右數十人于廳裏俄而伏兵
發縛暉以何盡擒其黨盡殺之故潘蓋于射堂
初合士衆之中兵至五千八衛陽六人守樊
通武州刺史鄒居業皆請赴難未至遂遣中卒
公薛育為湘州刺史聞龐暉死乃無請之隋又
遣行軍總管劉仁恩救之未至薛育兵大鵝羊
止叔慎遣正理及樊通等拒之因大合戰自且
至于日且薛育軍迭急失戰而正理兵少不敵於
是大敗育乘勝入城生擒叔慎是時烏居業亦
其衆自武州來赴出橫橋江聞叔慎敗績乃

于新康口隋摠管劉仁恩兵亦至橫橋據水置營相持信宿因合戰居業又敗仁恩虜叔慎正理居業及其黨與十餘人秦王斬之于漢口叔慎時年十八

義陽王叔達字子聰高宗第十七子也太建十四年立為義陽王尋拜仁武將軍置佐史禎明元年除丹陽尹三年入關隋大業中為內史至絳郡通守

巴山王叔雄字子猛高宗第十八子也太建十四年立為巴山王禎明三年入關卒于長安

武昌王叔虞字子安高宗第十九子也太建十四年立為武昌王尋為壯武將軍置佐史禎明三年入關隋大業中為高苑令

湘東王叔平字子康高宗第二十子也至德元年立為湘東王禎明三年入關隋大業中為湖蘇令

臨賀王叔敖字子仁高宗第二十一子也至德元年立為臨賀王尋為仁武將軍置佐史禎明

三年入關隋大業初拜儀同三司

陽山王叔宣字子通高宗第二十二子也至德

元年立為陽山王禎明三年入關隋大業中為

涇城令

西陽王叔穆字子和高宗第二十三子也至德

元年立為西陽王禎明三年入關卒于長安

南安王叔儉字子約高宗第二十四子也至德

元年立為南安王禎明三年入關卒于長安

南郡王叔澄字子泉高宗第二十五子也至德

元年立為南郡王禎明二年入關隋大業中為

靈武令

沅陵王叔興字子推高宗第二十六子也至德

元年立為沅陵王禎明三年入關隋大業中為

給事郎

岳山王叔韶字子欽高宗第二十七子也至德

元年立為岳山王尋為智武將軍置佐史四年

除丹陽尹禎明三年入關卒于長安

新興王叔純字子共高宗第二十八子也至德

元年立為新興王禎明三年入關隋大業中為

河北令

巴東王叔謨字子勳高宗第二十九子也至德

四年立為巴東王禎明三年入關隋大業中為

岷陽令

臨江王叔顯字子暉高宗第三十子也至德四

年立為臨江王禎明三年入關隋大業中為

觚令

新會王叔坦字子嗣高宗第三十一子也至德

四年立為新會王禎明三年入關隋大業中為

涉令

新寧王叔隆字子遠高宗第三十二子也至德

四年立為新寧王禎明三年入關隋大業中為

新昌王叔榮字子徹高宗第三十三子也禎明

二年立為新昌王三年入關隋大業中為內

黃令

太原王叔匡字子佐高宗第三十四子也禎明

二年立為太原王三年入關隋大業中為

光令

後主二十二男張貴妃生皇太子深會稽王莊
孫姬生吳興王涓高昭儀生南平王嶷呂淑媛
生永嘉王彥邵陵王琬龔奎具嬪生南海王虔錢
塘王恬張淑華生信義王祗徐淑儀生東陽王
恠孔貴人生吳郡王蕃其皇子摠觀明綱統沖
洽縉綽威辯十人竝未及封

皇太子深字承源後主第四子也少聰惠有志
操容止儼然雖左右近侍未嘗見其喜愠以母
張貴妃故特爲後主所愛至德元年封始安王
邑二千戶尋爲軍師將軍揚州刺史置佐史禎
明二年皇太子涓廢後主乃立深爲皇太子三
年隋師濟江六軍敗績隋將韓擒虎自南掖門
入百僚逃散深時年十餘歲閉閣而坐舍人孔
伯魚侍焉隋軍排閣而入深使宣令勞之曰軍
旅在途不乃勞也軍人咸敬焉其年入關隋大
業中爲枹罕太守

吳興王涓字承業後主長子也太建五年二月

乙丑生于東宮母孫姬因產卒沈皇后哀而養之以爲己子時後主年長未有胤嗣高宗因命以爲嫡孫其日下詔曰皇孫初誕國祚方熙思與羣臣共同斯慶内外文武賜帛各有差爲父後者賜爵一級十年封爲永康公後主即位立爲皇太子潛性聰敏好學執經肄業終日不倦博通大義兼善屬文至德二年躬出太學講孝經講畢又釋奠於先聖先師其日設金石之樂於太學王公卿士及太學生皆預宴是時張貴妃孔貴嬪並受幸沈皇后無寵而位侍左右數於東宮往來太子亦數使人至后所後主疑其怨望其惡之而張孔二貴妃又日夜構成后及太子之短孔範之徒又於外合成其事禎明二年廢爲吳興王仍加侍中中衛將軍三年入關卒于長安

南平王疑字承嶽後主第二子也方正有器局年數歲風采舉動有若成人至德元年立爲南平王尋除信武將軍南琅邪彭城二郡太守置

佐史遷揚州刺史進號鎮南將軍尋為僕射都督郢荆湘三州諸軍事征西將軍郢州刺史未行而隋軍濟江禎明三年入關卒于長安

永嘉王彥字承懿後主第三子也至德元年立為永嘉王尋為忠武將軍南徐州刺史進號安南將軍授散騎常侍使持節都督江巴東衡三州諸軍事平南將軍江州刺史未行隋師濟江禎明三年入關隋大業中為襄武令

南海王彥字承恪後主第五子也至德元年立為南海王尋為武毅將軍置佐史進號軍師將軍禎明二年出為平南將軍南徐州刺史三年入關隋大業中為涿令

信義王祗字承劼後主第六子也至德元年立為信義王尋為壯武將軍置佐史授使持節都督智武將軍琅邪彭城二郡太守禎明三年入關隋大業中為通議郎

邵陵王競字承檢後主第七子也禎明元年立為邵陵王邑一千戶尋為仁武將軍置佐史三

年入關隋大業中為國子監丞

會稽王莊字承肅後主第八子也容貌最陋性嚴酷數歲左右有不如意輒剝刺其面或加燒

藝以母張貴妃有寵後主甚愛之至德四年立為會稽王尋為胡前將軍置佐史除使持節都

督揚州諸軍事揚州刺史禎明三年入關隋大

業中為會昌令

東陽王恠字承厚後主第九子也禎明二年立

為東陽王邑二千戶宋拜三年入關隋大業中

為通議郎

吳郡王蕃字承塵後主第十子也禎明二年封

吳郡王二年入關隋大業中為涪城令

錢塘王恬字承悛後主第十一子也禎明二年

立為錢塘王邑二千戶三年入關卒于長安

江左自西晉相承諸王開國並以戶數相差為

大小三品大國置上中下三將軍又置司馬一

人次國置中下二將軍小國置將軍一人餘官

亦准此為差高祖受命自永定訖于禎明唯

陽王昌特加殊寵至五千戶自餘大國不過二千戶小國即千戶而舊史殘缺不能別知其國戶數故綴其遺事附于此

史臣曰世祖高宗後主竝建藩屏以樹懿親固乃本根隆斯盤石都陽王伯山有風采德器亦一代令藩矣岳陽王叔慎屬社稷傾危情哀國竭誠赴敵志不圖生嗚呼古之忠烈致命斯之謂也

列傳第二十二

漢書二十八

列傳第二十三

陳書二十九

散騎常侍姚

思廉

撰

宗元饒

司馬申

毛喜

蔡徵

宗元饒南郡江陵人也少好學以孝敬聞仕梁
世解褐本州主簿遷征南府行參軍仍轉外兵
參軍及司徒王僧辯幕府初建元饒與汴國劉
師知同爲主簿高祖受禪除晉陵令入爲尚書
功論郎使齊還爲廷尉正遷大僕卿領本邑大
中正中書通事舍人尋轉廷尉卿加通直散騎
常侍兼尚書左丞時高宗初即位軍國務廣事
無巨細一以咨之臺省號爲稱職遷御史中丞
知五禮事時合州刺史陳哀賊汙狼藉遣使就
渚斂魚入於六郡乞米百姓甚苦之元饒劾奏
曰臣聞建瓴求瘼空負寄廉平塞帷恤隱本資仁
恕如或貪汙是肆徼賦無狀天網雖疎茲焉弗

幸預逢抽擢爵由恩被官以私加無德無功坐
尸榮貴譙肥之地久淪非所皇威剋復物仰仁
風新邦用輕彌俊寬東應斯作牧其寄尤重爰
降曲恩祖行宣室親承規誨事等言提雖廉潔
之懷誠無素蓄而稟茲嚴訓可以厲精遂乃擅
行賦斂專肆貪取求粟不厭愧王沈之出賑徵
魚無限異羊續之懸枯實以嚴科其惟明憲臣
等參議請依旨免哀所應復除官其應禁錮及
後選左降本資悉依免官之法遂可其奏吳興
太守武陵王伯禮豫章內史南康嗣二方泰竝
驕蹇放橫元饒案奏之皆見削黜元饒性公平
善持法諳曉故事明練治體更有犯法政不便
民及於名教不足者隨事糾正多所裨益遷貞
威將軍南康內史以秩米三千餘斛助民租課
存問高年拯救乏絕百姓甚賴焉以課最入朝
詔加散騎常侍荆雍湘巴武五州大中正尋以
本官重領尚書左丞又爲御史中丞歷左民尚

書右衛將軍領前將軍遷吏部尚書太建十三年卒時年六十四詔贈侍中金紫光祿大夫官給喪事

司馬申字季和河內溫人也祖慧遠梁都水使者父玄通梁尚書左民郎申早有風槩十四便書其業嘗隨父候吏部尚書到仲舉時梁州刺史陰子春領軍朱异在焉子春素知申即於坐所呼與爲對由是有妙思异觀而奇之因引申遊處梁邵陵王爲丹陽尹以申爲主簿屬太清之難父母俱沒因此自誓素食終身梁元帝承制起爲開遠將軍遷鎮西外兵記室參軍及侯景寇郢州申隨都督王僧辯據巴陵每進籌策皆見行用僧辯歎曰此生要韃汗馬或非所長若使撫衆守城必有奇績僧辯之江陸納也申在軍中于時賊衆奄至左右披靡申躬蔽僧辯蒙楯而前會裴之橫救至賊乃退僧辯顧申而笑曰仁者必有勇豈虛言哉除散騎侍郎紹泰初遷儀同侯安都從事中郎高祖受禪除安東臨川

主諮議參軍夫嘉三年遷征北諮議參軍兼廷尉監五年除鎮東諮議參軍兼起部郎出爲戎昭將軍江乘令甚有治績入爲尚書金部郎遷左民郎以公事免太建初起爲自威將軍任南鄱陽王諮議參軍九年除秣陵令在職以清能見紀有白雀巢于縣庭秩滿頃之預東宮賓客尋兼東宮通事舍人遷貞外散騎常侍舍人如故及叔陵之肆逆也事既不捷出據東府申馳召右衛蕭摩訶帥兵先至追斬之因入城中收其府庫後三深嘉之以功除太子左衛率封其始縣伯邑四百戶兼中書通事舍人尋遷右衛將軍加通直散騎常侍以疾還第就加散騎常侍右衛舍人如故至德四年卒後主嗟悼久之下詔曰愼終追遠欽若舊則闔棺定諡抑乃前典故散騎常侍右衛將軍文始照開國伯申忠肅在公清正立己治繁處約投軀殉義朕任寄情深方康庶績奄然化往傷惻于懷可贈侍中護軍將軍進爵爲侯增邑爲五百戶諡曰忠

服其衣一襲刻日舉哀喪事所須隨由資給及葬後主自製誌銘辭情傷切卒章曰嗟乎天不與善藏我良臣其見幸如此申廢事之帝內掌機密至於倉卒之間軍國大事指麾斷決無有滯留子琇嗣官至太子舍人

毛喜字伯武滎陽陽武人也祖稱梁散騎侍郎父栖忠梁尚書比部侍郎中權司馬喜少好學善草隸起家梁中衛西昌侯行參軍尋遷記室參軍高祖素知於喜及鎮京口命喜與高宗俱往江陵仍勅高宗曰汝至西朝可諮稟毛喜喜與高宗同謁梁元帝即以高宗為領直喜為尚書功論侍郎及江陵陷喜及高宗俱遷關右世祖即位喜自周還進和好之策朝廷乃遣周弘正等通聘及高宗反國喜於郢州奉迎又遣喜入關以家屬為請周冢宰宇文護執喜手曰能結二國之好者卿也仍迎柳皇后及後主還天嘉三年至京師高宗時為驃騎將軍仍以喜為府諮議參軍領中記室府朝文翰皆喜詞也世

相嘗謂高宗曰我諸子皆以伯為名汝諸兒宜
用叔為稱高宗以訪于喜喜即條牒自古名賢
杜叔英虞叔卿等二十餘人以啓世祖世祖稱
善世祖崩廢帝冲昧高宗錄尚書輔政僕射到
仲舉等知朝望有歸乃矯太后令遣高宗還東
府當時疑懼無敢措言喜即馳入謂高宗曰陳
有天下日淺海內未夷兼國禍併鍾萬邦危懼
皇太后深惟社稷王計令王入省方當共康庶
績比德伊周今日之書必非太后之意宗社之
重願加三思以喜之愚須更聞奏無使奸賊得
肆其謀竒如其策右衛將軍韓子高始與仲舉
通謀其事未發喜請高宗曰宜簡選人馬配與
子高并賜鐵炭使脩器甲高宗驚曰子高謀反
即欲收執何為更如是邪喜答曰山陵始畢邊
寇尚多而子高受委前朝名為杖順然甚輕猶
恐不時授首脫其稽誅或愆王度宜推心安誘
使不自疑圖之一壯士之力耳高宗深然之卒行
其計高宗即位除給事黃門侍郎兼中書舍人典

軍國機密高宗以勅勅喜撰軍制凡十三條詔頒天下文多不載尋遷太子右衛率右衛將軍以定策功封東昌縣侯邑五百戶又以本官行江夏武陵桂陽三王府國事太建三年丁母憂去職詔追贈喜母庾氏東昌國太夫人賜布五百匹錢三十萬官給喪事又遣員外散騎常侍杜緬圖其墓田高宗親與緬案圖指畫其日重如此尋起爲明威將軍右衛舍人如故改授宣遠將軍義興太守尋以本號入爲御史中丞服闋加散騎常侍五兵尚書參掌選事及衆軍北伐得淮南地喜陳安邊之術高宗納之即日施行又問喜曰我欲進兵彭汴於卿意如何喜對曰臣實非非智者安敢預兆未然竊以淮左新平邊氓未乂周氏始吞齊國難與爭鋒豈以弊卒疲兵復加深入且弃舟楫之上踐車騎之地去長就短非吳人所便臣愚以爲不若安民保境寢兵復約然後廣募英奇順時而動斯久長之術也高宗不從後吳明徹陷周高宗謂喜曰

卿之所言驗於今矣十二年加侍中十二年授
散騎常侍丹陽尹遷吏部尚書常侍如故及高
宗崩叔陵橫逆勅中庶子陸瓊宣旨令南北諸
軍皆取喜處分賊平又加侍中增封并前九百
戶至德元年授信威將軍永嘉內史加秩中二
千石初高宗委政於喜喜亦勤心納忠多所匡
益數有諫諍事竝見從由是十餘年間江東狹
小遂稱全盛唯略地淮北不納喜諫而吳明徹
音敗高宗深悔之謂乘喜曰不用毛喜計遂令
至此朕之過也喜既益親乃言無回避而皇太
子好酒德母共幸人爲長夜之宴喜嘗爲言高
宗以誠太子太子陰患之至是稍見跡遠初後
主爲始興王所傷及瘡愈而自愛置酒於後殿
引江惣以下展樂賦詩醉而命喜于時山陵
初畢未及踰年喜見之不懌欲諫而後主已醉
喜升階陽爲心疾仆于階下移出省中後主醒
乃疑之謂江惣曰我悔召毛喜知其無疾但欲
阻我懼宴非我所爲故其欺詐耳乃與司馬申謀

自與不負氣吾欲將乞鄱陽兄弟聽其報讎可
乎對曰終不爲官用願如聖旨傳綽爭之曰不
然若許報讎欲置先皇何地後主曰當乞一小
郡勿令見人事耳乃以喜爲永嘉內史喜至郡
不受俸秩政弘清靜民吏便之遇豐州刺史章大
寶舉兵反郡與豐州相接而素無備禦喜乃修
治城隍嚴飾器械又遣所部松陽令周礪領千
兵援建安賊平授南安內史禎明元年徵爲光
祿大夫領左驍騎將軍喜在郡有惠政乃徵入
朝道路追送者數百里其年道病卒時年七十
二有集十卷子勳冲嗣官至儀同從事中郎中
書侍郎

蔡徵字希祥侍中中撫軍將軍景歷子也幼聰
敏精識彊記年六歲詣梁吏部尚書河南褚翔
翔字仲舉嗟其穎悟七歲丁母憂居喪如成人禮繼母
劉氏性悍忌視之不以道徵供侍益謹初無怨
色徵本名覽景歷以爲有王祥之性更名徵字
希祥梁承聖初高祖爲南徐州刺史召補迎主

薄尋授太學博士夫嘉初遷始興王府法曹行
參軍歷外兵參軍事尚書主客郎所居以幹理
稱大建初遷太子少傅承新安王主簿通直散
騎侍郎晉安王功曹史太子中舍人兼東宮領
直中舍人如故丁父憂去職服闋遷封新豐縣
侯授戎昭將軍鎮右新安王諮議參軍至德二
年遷廷尉卿尋爲吏部郎遷太子中庶子中書
舍人掌詔誥尋授三民尚書與僕射江總知撰
五禮事尋加寧遠將軍後主器其材幹任寄日
重遷吏部尚書安右將軍每十日一往東宮於
太子前論述古今得喪及當時政務又勅以廷
尉寺獄事無大小取徵議決俄有勅遣徵收募
兵士自爲部曲徵善撫卹得物情旬月之間衆
近一萬徵位望既重兼聲勢熏灼物議咸忌懼
之尋徙爲中書令將軍如故中令清簡無事或
云徵有怨言事聞後主後主大怒收奪人馬將
諫之有固諫者獲免禎明三年隋軍濟江後主
以徵有幹用權知中領軍徵日夜勤苦備盡心

力後主嘉焉謂曰事寧有以相報及決戰於鍾
山南崗勅徵守宮城西北大營尋令督眾軍戰
事城陷隨例入關徵美容儀有口辯多所詳究
至於上流官宦皇家戚屬及當朝制度憲章儀
軌戶口風俗山川土地問無不對然性頗便佞
進取不能以退素自業初拜吏部尚書啓後主
借鼓吹後主謂所司曰鼓吹軍樂有功乃授
徵不自量授素我朝重飲其父身歷既有績
之功宜且如所啓拜徵即遣還營不脩廉隅者
此類也隋文帝聞其數譴乃見徵問言輒會曰
然累年不調久之除大省公歷告書兵部儀曹
郎轉給事卒時年六十七子翼字尚書官至司
徒屬德教學士入隋爲東宮學士
史臣曰宗元饒夙夜匪懈濟務公時司馬申清
恪在朝攻苦立行加之以忠節美天毛喜深達事
機臣贊時主蔡徵聰敏才膽而端權自躋借義

列傳第二十四

陳書三十

散騎常侍姚思廉撰

蕭濟

陸瓊 子從典

顧野王

傅縡 章華

蕭濟字孝康東海蘭陵人也少好學博通經史
 諮梁武帝左氏疑義三千餘條尚書僕射范陽張
 纘太常卿南陽劉之遴竝與濟討論纘等莫能
 抗對解褐梁秘書郎遷太子舍人預平侯景之
 功封松陽縣侯邑五百戶及高祖作鎮徐方
 以濟為明威將軍征北長史承聖二年徵為中
 書侍郎轉通直散騎常侍世祖為會稽太守又
 以濟為宣毅府長史遷司徒左長史世祖即位
 授侍中尋遷太府卿丁所生母憂不拜濟毗佐
 二主恩遇甚篤賞賜加於凡等歷守蘭陵陽羨
 臨津臨安等郡所在皆著聲績大建初為五尚
 書與左僕射徐陵特進周弘正度支尚書王

散騎常侍袁憲俱侍東宮復爲司徒長史尋授
度支尚書領羽林監遷國子祭酒領羽林如故
加金紫光祿大夫兼安德宮衛尉尋遷仁威將
軍揚州長史高宗嘗勅取揚州曹事躬自省覽
見濟條理詳悉文無滯害乃顧謂左右曰我本
期蕭長史長於經傳不言精練繁劇乃至於此
遷祠部尚書加給事中復爲金紫光祿大夫未
拜而卒時年六十六詔贈本官官給喪事

陸瓊字伯玉吳郡吳人也祖完梁琅邪彭城二
郡丞父雲公梁給事黃門侍郎掌著作瓊幼聰
惠有思理六歲爲五言詩頗有詞采大同末雲
公受梁武帝詔校定碁品到澆朱异以下並集
瓊時年八歲於客前覆局由是京師號曰神童
异言之武帝有勅召見瓊風神警亮進退詳審
帝甚異之十二丁父憂毀瘠有至性從祖襄歎
曰此兒必荷門基所謂一不爲少及侯景作逆
攜母避地于縣之西鄉勤苦讀書晝夜無怠遂
博學善屬文永定中州舉秀才夫嘉元年爲寧

遂始興王府法曹行參軍尋以本官兼尚書
兵郎以文學轉兼殿中郎滿歲為真瓊素有令
名深為世祖所賞及討周迪陳寶應等都官符
及諸大手筆竝中勅付瓊遷新安王文學掌東
宮管記及高宗為司徒妙簡僚佐吏部尚書
陵薦瓊於高宗曰新安王文學瓊見識優故
文史足用進年即署歲月過淹西掾缺允膺
茲選階次小踰其任滯三積司從左西掾
尋兼通直散騎常侍聘蘇

元年重以平官

掌東宮管記除太子庶子兼中舍人轉中書
侍郎太子家令長沙王為地不循法度
高宗以王年少授壇長史行江州府國事帶尋
陽太守壇以志不欲遠出太子亦固請留之
遂不行累遷給事黃門侍郎領羽林監轉太子
中庶子領步兵校尉又領大著作撰國史後主
即位直中書省掌詔誥授散騎常侍兼度支
尚書領揚州大中正至德元年除度支尚書
掌詔誥并判廷尉建康二獄事初瓊父雲

公奉梁武帝勅撰嘉瑞記瓊述其旨而續焉白
永定訖于至德勒成一家之言遷吏部尚書
作如故瓊詳練譜牒雅鑒人倫先是吏部尚書
宗元饒卒右僕射表憲舉瓊高宗未之用也至
是居之號爲稱職後主甚委任焉瓊性謙儉不
自封植雖仕望日隆而勤志愈下園池室宇無
所改作車馬衣服不尚鮮華四時祿俸皆散之
宗族家無餘財暮年深懷止足思避權要恒謝
病不視事俄丁母憂去職初瓊之侍東宮也母
隨在官舍後主賞賜優厚及喪極還鄉詔加賜
贈并遣謁者黃長貴持冊奠祭後主又自製誌
銘朝野榮之瓊家墓過毀以至德四年卒時年
五十詔贈領軍將軍卹給喪事有集二十卷行
於世長子從宜仕至武昌王文學第三子從典
字由儀幼而聰敏八歲讀沈約集見回文研銘
從典援筆擬之便有佳致年十三作柳賦其詞
甚美瓊時爲東宮管記宮僚竝一時俊偉瓊示
以此賦咸奇其異才從父瑜特所賞愛及瑜將

將家中墳籍皆付從典從典乃集瑜文爲十卷仍製
集序其文甚工從典篤好學業博涉羣書於班
史尤所屬意年十五本州舉秀才解褐著作佐
郎轉太子舍人時後主楊俊討江總并其父瓊
詩總命從典爲謝啟俄有便就文華理楊總甚
至爲其母信義王女學轉太子洗馬又遷司徒
老六擢著作郎學士丁憂去職尋起爲德教
學士固辭不就後主刻鵠一命以待從典俄屬
金陵淪沒隨例遷附老仕隋爲終事郎兼東宮
學士又除著作佐郎召僕射楊素奏從典續司
馬遷史記述于隋其書業就值隋末喪亂寓居
南陽郡以疾卒時年七十

顧野王字希馮吳郡吳人也祖子喬梁東中郎
以陵王府參軍事父烜信威臨賀王記室兼本
郡五官掾以儒術知名野王幼好學七歲讀五
經略知大旨九歲能屬文嘗製日賦領軍朱异
見而奇之年十二隨父之建安撰建安地記二
篇長而遍觀經史精記嘿識天文地理著龜書

侯 魏柔奇字無所不通梁大同四年除太皇
士遷中領軍臨賀王府記室參軍宣成王為揚
州刺史野王及琅邪王倓並然賓客王甚愛其
才野王又好丹青善圖寫王於東府起齋乃令
野王畫古賢命王畫舊贊詩人稱為一絕及侯
景之亂野王丁父憂歸永郡乃召募鄉黨數百
人隨義軍援京邑賊下體素清肅長六尺又
居喪過毀殆不勝衣及叔戈被王陳君臣之義
逆順之理抗辭作色見者莫不壯之肅城陷野
王逃會稽尋往東陽歸義合軍據城在
侯景平太尉王僧辯深嘉之使監海鹽縣高祖
作宰為金威將軍守海鹽川王府記室參軍
轉府諮議參軍天監九年補撰史學士尋加招
遠將軍光大元年除鎮齊鄱陽王諮議參軍大建
二年遷國子博士後主在東宮野王兼東宮管
記本官如故六年除太子率更令尋領大著作
掌國史知梁史事兼東宮通事舍人時宮僚有
濟陽江總吳國陸瓊北地傅緯吳興姚察並以

才學顯著論者推重焉遷黃門侍郎光祿卿知
五禮事餘官竝如故十三年卒時年六十三詔
贈祕書監至德二年又贈右衛將軍野王少以
篤學至性知名在物無過辭失色觀其容貌似
不能言及其勵精力行皆人所莫及第三弟充
國早卒野王撫養孤幼恩義甚厚其所撰著玉
篇三十卷輿地志三十卷符瑞圖十卷顧氏譜
傳十卷分野樞要一卷續洞冥紀一卷五象表一卷
竝行於世又撰通史要略一百卷國史紀傳二
百卷未就而卒有文集二十卷

傅緯字宜事北地靈州人也父彥昇梁臨沂令緯
幼聰敏七歲誦古詩賦至十餘萬言長好學能
屬文梁太清末攜母南奔避難俄丁母憂在兵
亂之中居喪盡禮哀毀骨立士友以此稱之後
依湘州刺史蕭循循頗好士廣集墳籍緯肆志
尋閱因博通羣書王琳聞其名引為府記室琳
敗隨琳將孫瑒還都時世祖使顏晃賜瑒雜物瑒
託緯啓謝詞理優洽文無加點晃還言之世祖

尋召爲撰史學士除司空府記室參軍遷驃騎
安成王中記室撰史如故綽篤信佛教從興皇
惠朗法師受三論盡通其學時有大心高法師
著无諍論以詆之綽乃爲明道論用釋其難其
略曰無諍論言比有弘三論者雷同訶詆心言罪
狀歷毀諸師非斥衆學論中道而執偏心語忘懷
而競獨勝方學數論更爲讎敵讎敵旣構諍鬪大
生以比之心而成罪業罪業不止豈不重增生死
大苦聚集答曰三論之興爲日久矣龍樹創其
源除內學之偏見提婆揚其旨蕩外道之邪執
欲使大化流而不擁立風闡而無墜其言曠其
意遠其道博其流深斯固龍象之騰驥鯨鵬之
搏運塞乘浹羽豈能觸望其閒哉頃代澆薄時
無曠士苟習小學以化蒙心漸染成俗遂迷正
路唯競穿鑿各肆營造枝葉徒繁本源日翳一
師解釋復異一師更改舊宗各立新意同學之
中取寤復別如是展轉添糅倍多摠而用之心
無的准擇而行之何者爲正豈不渾沌傷數

樹弊牙雖復人說非馬家握靈蛇以無當之卮
同畫地之餅矣其於失道不亦宜乎攝山之學
則不如是守一遵本無改作之過約文申意杜
臆斷之情言無預說理非宿構覩緣余乃應見
敵然後動縱橫絡驛忽悅杳冥或彌綸而不窮
或消散而無所煥乎有文章蹤朕不可得深乎
不可量即事而非遠凡相酬對隨理詳覈有何
嫉詐干犯諸師且諸師所說為是可毀為不可
毀若可毀者毀故為衰若不可毀毀自不及法
師何獨蔽護不聽毀乎且教有大小備在聖誥
大乘之文則指斥小道今弘大法寧得不言大
乘之意耶斯則褒貶之事從弘放學與奪之辭
依經議論何得見佛說而信順在我語而忤逆
無諍平等心如是耶且忿恚煩惱凡夫恒性失
理之徒率皆有此豈可以三脩未愜六師懷恨
而蘊涅槃妙法永不宜揚但冀其忿憤之心既
極恬淡之寤自成耳人面不同其心亦異或有
辭意相反或有心口相符豈得必謂他人說中

道而心偏執已行無諍外不違而內平等讎敵
鬪訟豈我事焉罪業聚集鬪諍者所畏耳無諍
論言攝山大師誘進化導則不如此即習行於
無諍者也道悟之德既往淳一之風已澆競勝
之心呵毀之曲盛於茲矣吾願息諍以通道讓
勝以忘德何必排拂異家生其恚怒者乎若以
中道之心行於成實亦能不諍若以偏著之心
說於中論亦得有諍固知諍與不諍偏在一法
答曰攝山大師實無諍矣但法師所賞未衷其
節彼靜守幽谷亦無爲凡有訓勉莫匪同志
從容語嘿物無明然故其意雖深其言甚約今
之敷暢地勢不然處三城之隅居衆落之內呼
吸顧望之客脣吻縱橫之士奮鋒穎勵羽翼明
目張膽被堅執銳騁異家術別解窺伺閒隙邀
冀長短與相酬對捕其輕重豈得默然無言唯
唯應命必須拮據同異發擿疵瑕忘身而弘道
忤俗而通教以此爲病益知未達若令大師當
此之地亦何必默已而爲法師所貴耶法師又

言吾願息諍以通道讓勝以忘德道德之事不
止在諍與不諍讓與不讓也此語直是人間所
重法師慕而言之音未知勝若爲可讓也若他
人道高則自勝不勞讓矣他人道劣則雖讓而
無益矣欲讓之辭將非虛設中道之心無處不
可成實三論何事致乖但須息守株之解除膠
柱之意是事皆中也來旨言諍與不諍偏在一
法何爲獨廢無諍耶詎非矛盾無諍論言邪正
得失勝負是非必生於心矣非謂所說之法而
有定相論勝負也若異論是非以偏著爲失言無
是無非消彼得失以此論爲勝妙者他論所不
及此亦爲失也何者凡心所破豈無心於能破
則勝負之心不忘寧不存勝者乎斯則矜我爲
得弃他之失即有取捨大生是非便是增諍
答曰言爲心使心受一言詮和合根塵鼓動
風氣故成語也事必由心實如來說至於心造
僞以使口口行詐以應心外和而內險言隨而
意逆求利養引聲名入道之人在家之士斯輩

非一聖人所以由陳教誠深致阿杜說見在之
殃咎敘將來之患害此文明著甚於日月猶有
忘愛驅冒峻制蹈湯炭甘齏粉必行而不顧也
豈能悅無諍之作而回首卓音耶若弘道之人
宣化之士心知勝也口言勝也心知劣也口言
劣也亦無所苞藏亦無所忌憚但直心而行之
耳他道雖劣聖人之教也已德雖優亦聖人之
教也我勝則聖人勝他劣則聖人劣聖人之優
劣蓋根緣所宜介於彼於此何所厚薄哉雖復
終日按劍亟夜擊柝瞋目以爭得失在氣以求勝
負在誰處乎有心之與無心徒欲分別虛空耳何
意不許我論說而使我謙退此謂鷦鷯已翔於寥
廓而虞者猶窺數澤而求之嗟乎丈夫當弘斯道
矣無諍論言無諍之道通於内外子所言須諍者此
用末而救本失本而營末者也今爲子言之何
則若依外典尋書契之前至淳之世朴質其心
行不言之教當于此時民至老死不相往來而
各得其所復有何諍乎固知本來不諍是物之

非一聖人所以由陳教誠深致阿杜說見在之
殃咎敘將來之患害此文明著甚於日月猶有
忘愛軀冒峻制蹈湯炭甘齏粉必行而不顧也
豈能悅無諍之作而回首卓音耶若弘道之人
宣化之士心知勝也口言勝也心知劣也口言
劣也亦無所苞藏亦無所忌憚但直心而行之
耳他道雖劣聖人之教也已德雖優亦聖人之
教也我勝則聖人勝他劣則聖人劣聖人之優
劣蓋根緣所宜介於彼於此何所厚薄哉雖復
終日按劍激夜擊柝瞋目以爭得失乞氣以求勝
負在誰處乎有心之與無心徒欲分別虛空耳何
意不許我論說而使我謙退此謂鷦鷯已翔於寥
廓而虞者猶窺數澤而求之嗟乎文夫當弘斯道
矣無諍論言無諍之道通於内外子所言須諍者此
用末而救本失本而營末者也今爲子言之何
則若依外典尋書契之前至淳之世朴質其心
行不言之教當于此時民至老死不相往來而
各得其所復有何諍乎固知本來不諍是物之

真矣答曰諍與無諍不可偏執本之與末又安
可知由來不諍寧知非末於今而諍何驗非本
夫居後而望前則爲前居前而望後則爲後而
前後之事猶如彼此彼呼此爲彼此呼彼爲彼
彼此之名的居誰處以此言之萬事可知矣本
末前後是非善惡可恒守邪何得自信聰明廢
他耳目夫水泡生滅火輪旋轉入牢穽受羈繼
生憂畏起煩惱其失何哉不與道相應而起諸
見故也相應者則不然無爲也無不爲也善惡
不能借而未曾離善惡生死不能至亦終然在
生死故得永離而在放焉是以聖人念繞樞之
不脫慙黏膠之難離故躬勤教示備諸便巧希
向之徒涉末有類雖麟角難成象形易失寧得
不鬚髯遐路勉勵短晨且當念己身之善惡莫
揣他物而欲分別而言我聰明我知見我計校我
思惟以此而言亦爲踈矣他人者實難測或可是
夫真亦可是聖人俯同時俗所宜見果報所應
觀安得肆習矜盡情性而生譏誚乎正應虛已

而遊乎世俛仰於電露之間耳明月在天衆水
咸見清風至林羣籟畢響吾豈通物哉不入鮑
魚不甘腐鼠吾豈同物哉誰能知我共行斯路
浩浩乎堂堂乎豈復見有諍爲非無諍爲是此
則諍者自諍無諍者自無諍吾俱取而用之寧
勞法師費功夫點筆紙但申於無諍弟子疲膚
舌消暑漏唯對於明道戲論哉糟粕哉必欲且
考眞僞斯觀得失無過依賢聖之言檢行藏之
理始終研究表裏綜覈使浮辭無所用詐道自
然消請待後筵以觀其妙也尋以本官兼通直
散騎侍郎使齊還除散騎侍郎鎮南始興王諮
議參軍兼東宮管記歷太子庶子僕兼管記如
故後主即位遷祕書監右衛將軍兼中書通事
舍人掌詔誥綽爲文典麗性又敏速雖軍國大
事下筆輒成未嘗起草沈思者亦無以加焉甚
爲後主所重然性木彊不持檢操負才使氣陵
侮人物朝士多銜之會施文慶沈客卿以便佞
親幸專制衡軸而綽益踈文慶等因共譖綽

高驪使金後主收縛下獄緯素剛因憤恚乃於
獄中上書曰夫君人者恭事上帝子愛下民省
嗜慾遠諂佞未明求衣日旰忘食是以澤被區
宇慶流子孫陛下頃來酒色過度不虔郊廟之
神專媚淫昏之鬼小人在側官豎弄權惡忠直
若仇讎視生民如草芥後宮曳綺繡廩馬餘菽
粟百姓流離殫戶蔽野貨賄公行帑藏損耗神
怒民怨衆叛親離恐東南王氣自斯而盡書奏
後主大怒頃之意稍解遣使謂緯曰我欲赦卿
卿能改過不緝對曰臣心如面臣面可改則臣
心可改後主於是益怒令官者李善慶窮治其
事遂賜死獄中時年五十五有集十卷行於世
時有吳興章華字仲宗家世農夫至華獨好學
與士君子遊戲頗覽經史善屬文侯景之亂乃
遊嶺南居羅浮山寺專精習業歐陽頎為廣州
刺史署為南海太守及歐陽紇敗乃還京師太
建中高宗使吏部侍郎蕭引喻廣州刺史馬瑊
令入子為質引奏華與俱行使還而高宗崩

主即位朝臣以華素無伐閱競排詆之乃除大
市令既雅非所好乃辭以疾鬱鬱不得志禎明
初上書極諫其大略曰昔高祖南平百越北誅
逆虜世祖東定吳會西破王琳高宗克復淮南
辟地千里三祖之功亦至勤矣陛下即位于今
五年不思先帝之艱難不知天命之可畏溺於
嬖寵惑於酒色祠七廟而不出拜妃嬪而臨軒
老臣宿將棄之苴莽誥佞讒邪昇之朝廷今壇
場日蹙隋軍壓境陛下如不改絃易轡張臣見糜
鹿復遊於姑蘇臺矣書奏後主大怒即日命
斬之

史臣曰蕭濟陸瓊俱以才學顯著確野王博極
羣典傳緯聰警特達竝一代之英靈矣然緯不
能循道進退遂寘極網悲夫